

ԱՐԵՒՄՏԵԱՆ ՀԱՅԱՍՏԱՆ

1. Արեւմտեանն Հայաստան կայ ընդ մէջ փոքուն Հայոց յարեւմտից կողմանէ, Պոնտոսի եւ Տայոց՝ ի հիւսիսոյ ի հարաւոյ սահմանք Աղճնեօք եւ Միջազգետովք, կամ Տիգրիսիւ ընդ հիւսիսոյ Ամդայ: Երկու հին նահանգք են Հայոց Մեծաց ի բաժնիս. Ծովք ի հարաւոյ եւ Բարձր Հայք ի վերոյ նորա. եւ ի սորա յարեւմտից եւ ի հիւսիսոյ մասն Փոքու Հայոց եւ Խաղութեաց: Բովանդակ այս բաժին Հայոց դուռն իմն հաղորդութեան էր ընդ արեւմտեան աշխարհի, ընդ որ երթեւեկք եղեն Յունաց եւ Հոռովմայեցւոց ի Հայս, եւ Հայոց ի Յոյնս, եւ խառնուրդ ի նոսա եւ ընտելութիւն սովորութեանց ի լեզուի նոցա. վասն որոյ ծանօթագոյնք եւ հոչակեալք են նահանգքս ի Հելլենաց եւ լատինաց՝ քան զայլ մասուն աշխարհիս. եւ յետ բարձման թագաւորութեան Արշակունեաց՝ թէպէտեւ առտընին տնտեսեալ ի մերոց աշխարհաց, այլ ոչ եւս ընդ միահեծն իշխանութեամբ Հայկազանց անկեալ եւ ոչ իսկ առ Բագրատունեօք, այլ ընդ յունական նախաձեռնութեամբ եւ ապա ընդ Արաբացւովք եւ ընդ թուրք իշխանօք:

Ա. ՆԱՀԱՆԳԻ ԾՈՓԻ ԿԱՄ Դ. ՀԱՅԻ

2. Ի ծայր հարաւոյ արեւմտից Մեծին Հայոց կայ նահանգս Ծոփաց կամ Դ. Հայոց, սահմանս ունելով ի մտից կողմանէ զեփրաս բովանդակ ցարմունկն նորին, որ սահման հատանէ նմին զհիւսիսիւ հանդերձ այլովք լերամբք նովին ուղղութեամբ ցարեւմտեայ ստորոտս Պինկէօլ լերանց, յորոց եւ ի վայր խոնարհի սահմանն ընդ արեւելս յափունս Պաղման - Սու գետոյ օժանդակի Տիգրիսի, որք ձեւեն զնա՝ առաջինն յարեւելից, երկրորդն ի հարաւոյ, որոյ եւ վտակ մի Շաղ-ի-Պաղին մերձեալ յեփրատ գետ կամ թէ սորա վտակն Գրզըլըպուք - Սու խոնարհագոյն եւս մերձեալ ի Տիգրիս, բովանդակին զծիր սահմանաց

Ծոփաց: Քանզի յայսմ կողմանէ անստոյգք եւ անհաստատք են սահմանք նահանգիս, եւ թուին երբեմն խոնարհագոյն եւս իջեալ ի սահմանս Եփրատացոց եւ Միջազետաց: Քանզի ի կարի հին ժամանակս նախարար իշխան կողմանցս զօրացեալ ձեռն արկանէր ի վերայ գաւառաց մերձակայից եւ ազատորչն վարէր յիշխանութեան իւրում, որպէս եւ երկրորդ անուն աշխարհին իսկ յայտ առնէ զայս, ԶՈՐՈՐՈՒԴՅԱՅԹ կոչելով, որ տայ գուշակել զի էր երբեմն՝ յորում զատ եւ որիշ էր սա ի Հայոց Մեծաց, եւ յօդացեալ ի սա առ Արամաւ նահապետաւ. բայց եւ յգկնիսն եւ յցետին դարս Արշակունեաց՝ ստէպ հատուածէր ի բուն Հայոց. եւ էր նախարար նորա ընդ աւագագոյնս ի նախարարաց, ընդ բդեշխսն եւ ընդ կողմանակալս դասեալ, եւ բազում անգամ թագաւորական իսկ շքով վարէր, որպէս եւ յիշեն պատմիչք Յունաց զթագաւորս Ծոփաց: Քանզի եւ երկիրս այս ի գլուխս սահմանաց Ասորւոց եւ Յունաց՝ քաջ ծանօթ էր նորին ազգաց, եւ անցք նորին խառնեալ ընդ պատմութիւնս միջին դարուց, եւ սորա միայն վիճակը ինչ յամենայն երկրէն Հայոց անկեալ երբեմն ընդ երրոպէացի կամ փուանգական իշխանութեամբ ի վերջ ԺԱ. կամ ի ակիզբն ԺԲ դարու:

3. Ոչ է ծանօթ ծագումն անուան նահանգին Ծոփք, այլ թուի յարանուանութեան ունել ընդ անուանս Մծբնայ եւ Մեծոփայ: Այս ինչ յայտ է զի կարի քաջ հին է, եւ բազմաց ի հնոց եւ ի նորոց գիտնոց կարծիք են թէ այս այն երկիր է՝ որ ի սուրբ գիրս, ի թագաւորացսն եւ ի Մնացորդս յիշի ընդ մերումն Սուրբ կամ Սովոր անուամբ. ըստ յունականին Տօնթար եւ ըստ լատինացւոցն Syria Sobal, եւ ըստ Ասորւոց եւ Եբրայեցւոց Արամ-Զոպահ, որոյ թագաւորք Ռովամ եւ որդի նորա գոռն Սոլրազար՝ մարտ եղան ընդ նորահաստատ թագաւորս Հըէից, եւ յետին պարտեցաւ ի Դաւթայ, եւ յաւարէ բանակի նորա եւ քաղաքացն՝ շինեաց Սողոմոն զծովն պղնձի եւ զայլ ինչ կահս տաճարին Երուսաղեմի: Թէպէտ ոմանք յարդեացս զՍուրբ ի հիւսիսային Արարիա ի ծէպէլ կարծեն եւ այլք ի կողմանս Հալպայ, սակայն հինք ոմանք արք հոյակապք, Ենպոլեմա (առ Եւսեբեայ), Յովսեպոս, Սուրբ Եփրեմ, եւ ի նորոցս Հրատարակիչք Սուրբ գրոց՝ Վանսայ եւ Ժաքէ արեւելագէտ յԱսիական օրագրին Գաղղիոյ, եւ այլք ի կողմանս Ծոփաց իմանան զՍուրբ, որում պատշաճի ի պատմութենէն եւ առատութիւն բովուց պղնձոյ եւ արծաթոյ եւ ոսկոյն՝ զորս էառ Դաւիթ եւ ի բանակէ եւ ի քաղաքաց Աղբասազարայ. քանզի լի է երկիրն Ծոփաց բովոք դոցին եւ այլոց եւս հրահողելեաց, թէպէտ եւ պատուականագոյնքն խափանեալ եւ անգործ կան այժմիկ: Բայց ոչ ների տեղիս մանր քննել զայս, զոր եւ ոչ հաստատել միտիմք, այլ իբրու վարկած ոչ զուրկ ի հաւանութենէ եւ նշանաւոր արանց ընդունելի՝ նշանակեցաք: Իսկ աշխարհակալութեան եւ մեծի զօրութեան իշխանքն Ծոփաց՝ վկայեն եւ քաղաքամարք

նորա հատեալք յայլոց գաւառաց, զի Տիգրանակերտ եւ Նվիրկերտ ի հարաւոյ եւ յարեւելից օտար նահանգաց քաղաքք՝ իշխանանիստք եղեն նմին առ Արշակունեօք: Յառաջագոյն Խարբերդ համարէր մայր քաղաքաց նորին, եւ ի սկիզբն ժամանակի Արշակունեաց՝ հատեալ էր Ծոփաց յինքեանս ի հիւսիսոյ կողմանէ եւ զԵկեղեաց գաւառ Բարձր Հայոց եւ յարեւմտից յայնմ կուսէ Եփրատայ՝ էին նորա մարզք՝ է որ գնով գնեալք եւ է որ զինու զօրութեամբ նուածեալք:

4. Բնոյն Ծոփաց ըստ նախակարգեալ սահմանաց՝ ութ կամ ինն գաւառք ճանաչէին ըստ օրինաց Հայոց: Առաջին. Ծոփի, յորոյ անուն համօրէն նահանգն կոչեցաւ, եւ յընդարձակելոյ իշխանութեանն նաեւ Ծոփաց աշխարհ, եւ ըստ Յունաց Տափոյի կամ Տափունի: Ըստ Ասորւոց Յուփանիա կոչի առանձնապէս եւ Մեծ Ծոփք, զի ոչ միայն ընդարձակութեամբն մեծ էր եւ գրեթէ ողջոյն կէս մասն նահանգին, յարեւելից ի Նվիրկերտոյ սահմանաց ձգեալ զհարաւով, եւ զամենայն արեւմտակողմն ունելովն, այլ զի եւ յերկուս տրոհեալ՝ վերին եւ փոքր մասն՝ յայնկոյս Արածանւոյ զհիւսիսով կոչեցաւ Ծոփք Շահունեաց, եւ անդստին ի չորրորդ դարու առանձինն իշխանք գաւառատեարք կային միոյ միոյ նոցա:

Իսկ երկրորդ կամ երրորդ գաւառ Զորրորդ Հայոց է Հանձիր կամ Անձիր որ եւ Անձտայ երկիր, իբր ի միջնակողմն նահանգին: Ծանօթ էր եւ սա ի Յունաց եւ կոչէիր Անհւոյն, իսկ ի Բիւզանդացւոց Խանչ եւ յԱսորւոց ըստ Հայումն: Զհիւսիսով արեւելից Հանձթայ կայ չորրորդ գաւառ Պաղեատուն, որ եւ Պաղին՝ յանուն գլխաւոր աւանին: Յարեւելից սորա կայ հինգերորդ գաւառն Բալահովիտ՝ յանուն Բալուայ ամուր քաղաքի: ի Բիւզանդացւոց կոչեցաւ սա Վալավիդինի: ի հիւսիսոյ արեւելից նահանգին՝ կայ վեցերորդ գաւառ Խորճայն, որ յարեւմտից սահմանակից է Բարձր Հայոց եւ յարեւելից Տուրուբերան նահանգի, զոր Ասորիք կոչեն Կուրզան: ի հարաւոյ նորին կայ եօթներորդ գաւառ Հաշտաննէ, որ եւ յարեւմտից Տարօն գաւառի Տուրուբերանոյ, զոր Յոյնք կոչէին Ասթիանինի: ի սորա հարաւոյ զսահմանաւ Աղձնեաց կայ մասն սորա յարեւմտից Պաղմանայ հատեալ ի Ծոփաց, յորում Նվիրկերտ քաղաք, եւ յարեւմտից նորին ութերորդ գաւառ Դովլիք (յօրինակս ինչ գրեալ Գալրէք), եւ ի սորա արեւմտից՝ իններորդ գաւառ Դէգիք, որոյ արեւելեան կողմք յանգին ի Ծոփս:

5. Իսկ ի միջին դարս եւ ի նորումն փոխան սոցին այլ գաւառք եւ վիճակք մանունք զառուցան ի նահանգիս. այսինքն են ի բուն Ծոփս սկսեալ ի հարաւոյ յարեւմտից Ձերմիկ վիճակ, եւ ի վերոյ նորա Շընքուշ, եւ ի վերոյ նորա Տլուք կամ Տլքոյ գաւառ, որ ըստ այլազգեաց Դուլլուք կամ Գէլէք, առ Ծովք լճաւ, ի հիւսիսոյ նորա Խարբերդու

վիճակն. յարեւմտից եւ ի հիւսիսոյ նորա մեծ վիճակն Գարաջօր եւ Մեծնիքը առ Եփրատու, ընդ որս եւ վիճակ Քիպան Մատէնի եւ Բերդիք առ Արածանեաւ՝ այն է Մուրատ: Իսկ յաջմէ գետոյն կամ ի հիւսիսոյ երկրին Յաղմնայ՝ որ է Սալման, եւ յարեւմտից հիւսիսոյ նորա Զմշկածագու երկրին՝ մինչեւ ի սահմանս Բարձր Հայոց: Իսկ յելից Զմշկածագու եւ Սաղմնայ՝ երկրին Խողան, եւ յելից նորա Ճապաղուր ցարեւելեան սահմանս նահանգին, յորոյ ի հիւսիսոյ արեւելից Կիմն վիճակ, եւ ի վերոյ նորա Կեղի որ ի Խորձայն գաւառի՝ յերկուս տրոհեալ՝ ի Վերին Կեղի եւ ի Ստորին: Իսկ ի Հարաւոյ Կինճայ եւ Մուրատայ Խուլի վիճակ: Ցարեւմտից Հարաւոյ նորին՝ Բալուայ երկիր, եւ յարեւելից հիւսիսոյ նորա Ոլվան մատէն, ի նորին Հարաւոյ՝ Հիմն երկիր եւ Աթախ. Իսկ յարեւմտից Հարաւոյ սորա Արդման մատէն կամ Արդթոյ երկիրն ի մտից Շնքուչայ. եւ ի Հարաւոյ Արզոնյ՝ Ճիկրանի, իսկ յարեւելից Անգեղ տունն, այսինքն է հին եւ անուանի վիճակ մեծի իշխանին Անգեղ ի Դէղիք գաւառի հնում, որ այժմ կոչի Ակլայ վիճակ. յորոյ յելից կայ Հազրոյ վիճակ, եւ մերձ նմին Խերմիլ: Իսկ ի Հարաւային արեւելեան եզր նահանգին Դէրիքի վիճակ՝ որ թուի յանուն Դովրեքայ հին գաւառի, յորոյ ի հիւսիսոյ արեւելից՝ հին վիճակն Ութա կամ Ուտայեցոց երկիր, որ այժմ մասն է Մուֆարդինայ, ունելով զմեծ քաղաքն զայն յինքեան, ի սահմանակցութեան Սասնոյ ի Խութայ գաւառաց երկուց նահանգացն Աղճնեաց եւ Տարուբերանոյ:

6. Ընդ մէջ նահանգին Մոփաց անցանէ ծայրէ ի ծայր արեւելեան բազուկն Եփրատայ՝ Արածանի գետ մեծ եկեալ ի Տարօնոյ եւ կոչի Մուրատ, եւ ի միջի սահմանաց Զմշկածագու եւ Գարաջօրայ՝ խառնեալ ի Ֆրատ օժանդակէ եւ լինի Եփրատ պլխաւորն գետաց արեւմտից Ասիոյ: Հզօրագոյն օժանդակ Արածանուոյ ի նահանգին՝ յաջմէ նորա է գետն Բէրէզ-Սու կամ Լէշիկ-Սու, որ յելից սահմանացն Կեղեայ իշեալ խառնի ի նա, եւ ի հնումն յելից Խորձենից անցանէր եւ կոչէր Միւս Գայլ գետ, եւ վիճակ մի փոքր ի ձախմէ կողմանէ յարեւմտից Խովկայ վիճակին՝ Մամուշ կամ Մամուշեն կոչէր անդստին ի չորրորդ դարէ, եւ ցարդ կայ անդ աւան Համանուն: Ի նահանգի աստ են եւ պլխաւոր ակունք երկրորդի մեծի գետոյն արեւմտեան Ասիոյ, այն է Տիգրիս, որոյ ակունք ընդ մեզ յարեւելից Սիկան Մատէն ի սահմանս Ակլայ ի հին գաւառին Հաշտենից, կամ ի գաւառին Ալքոյ յարեւմտից Արդնոյ, որոյ խաղացեալ ընդ հարաւ ցելս սահմանաց նահանգին՝ խոտորի ի հարաւ Ամդայ ընդ արեւելս յԱղճնիս եւ յայլ աշխարհս: Բայց օժանդակ նորա Շաղի-Պաղին կամ բուն ծայր սորա մերձ է յԵփրատ ցարեւմտակողմն: Իսկ միւս առաջքն որ ի վերուստ գայ Պատման-Սու կոչեցեալ, ձեւէ զարեւելեան սահմանս նահանգիս, Նիմիէսու կամ Նիմիիոս եւ Նիկեփորիս կոչեցեալ յօտարաց հնոց՝ ընդ զանազան վտականուոյն.

որ եւ անջրպետ կայր ի հնումն գաւառաց երկուց ինքնակալութեանցն Պարսից եւ Յունաց, վասն որոյ եւ Վասիլիմֆա կոչէր (Basilimfa) իբրու արքունական գետ: Հանդերձ գետովքս ունին Զորրորդ Հայք եւ լիճ մը անուանի՝ Կեօլթիւլ կոչեցեալ այժմ եւ Ծովի լսա մերոց նախնաց, զորմէ ի տեղագրութեանն լիցին բանք: Են եւ առ ակամքք Տիգրիսի այլ լիճք:

7. Իսկ լերինք բազումք են ի նահանգիս, յորոց առ նախնիս մեր յիշատակի Կոմերոյ լեառն երկայնանիստ ընդ մէջ Հաշտենից, Ծոփաց եւ Խորձենոյ, որ թուի կոչեցեալն այժմ Չուն (Tschun), յորոց յելից կայ Տորբուշ լեառն եւ Խոլիքայ լեառն: Նշանաւոր են եւ Գմշկածագու լերինք հարաւային ոստք Մնանոր լերանց. Միւշիր լեառն մեծ յարեւ-մըստեանն սահմանս յարմնկան անդ Եփրատայ առ Փոքր Հայովք: Եւ յարեւելից հարաւոյ նորա՝ Իջողլու լեառն. ի սորա արեւելից հարաւոյ Սարը-Մէշէ լեառն, եւ ի նորին հարաւոյ Հազարան լեառն, յորոյ յա-րեւմտից հարաւոյ Միկրապ լեառն, եւ ի հարաւոյ Զերմկայ Քերկան-Զիմէն լեառն եւ Տէկւոյնու լերինք անջրպետք Եփրատայ եւ Տիգրիսի: Բազում այլ լերինք՝ որ չեւ եւս են քննեալք եւ անծանօթք յանուանէ:

Արեւմտեան լերինք նշանաւոր են յոյշ ճոխութեամբ բովուց պատ-ուականաց եւ պատճառք հարստութեան իշխանի կողմանցս ի հնումն, եւ այժմ մեծի շահու Օսմանեան պետութեան, որոյ կարգեալ է անդ ոստիկան, կոչեցեալ Մատէն Էմինի: Եւ են բովք ոսկւոյ եւ արծաթոյ ի կապան Մատէն, այլ խափանեալք կան, միայն, երկաթ բազում հանեալ լինի անտի: Նոյնակս եւ յԱրդնի երեւին հետք ոսկւոյ, սակաւու եւ արծաթոյ, եւ կապար, եւ առաւել քան զայլս՝ պղինձ առատ. իսկ ի Արփան մատէն՝ երկաթ շատ: Հայր աշխարհագրաց մերոց Մովսէս Խորենացի յիշէ գտանել եւ բիւրել ի Ծոփս, զորմէ չիք արդ զրոյց, այլ ամենայն հաւանութեան է թէ գտանիցին անդանոր եւ այլ պատուական բովք եւ բրածոյք՝ եթէ քանիկ ոք հետափուզիցէ: Նոյն հեղինակ եւ նշանաւոր ի կենդանեաց սենէ՝ յիշէ զառիւծ, եւ եթէ եւ հաւս շատ, այլ եւ ձկունս, յայտ է թէ ի գետոց եւ ի Ծովք լճէ, որոյ բերէ խայտիտ շատ:

Ի բնական դէսս կողմանս յիշատակի սասանութիւն մեծ յամին 995, որ գրեաթէ զէսս մասն աշխարհին զարեւելեան դղրդեցոյց եւ անբաւ աւեր էած: Ցայնմ ժամանակէ թուի կործանեալ բազում բեր-դորէից՝ որք յիշատակին առանց անուան ի Խորոնեցւոյն, եւ սակաւք յայլոց, եւ ցարդ կիսափուզք մնացեալ. բայց ոչ ճանապարհորդի հնա-խուզի եւ ոչ բնագիտի քննեալ է մանր զվայրքս:

8. Իսկ ըստ քաղաքական վարչութեան, որպէս եւ ի սկզբան նշա-նակեցաք, նախարար մեծ թագաւորութեան իսկ շքով պատուեալ կայր ի նահանգիս առ Հայկազմքք եւ Արշակունեօք մերովք, եւ ի մասին

միում նորին՝ մեծ իշխանն Անգեղ տան, որ եւ կուսակալ արեւմտեան Հայոց կարգեցաւ ի Վաղարշակայ: Յետ քարձման թագաւորութեանն Արշակունեաց՝ մեծ մասն Մոփաց անկաւ ընդ ձեռամբ Յունաց, եւ զի Պարսիկ ջանացին հանել ի նոցանէ՝ կայսրն Յուստինիանոս ի Զ դարու կառոյց եւ ամրացոյց զբերդեան նորա, եւ կացոյց զօրավարս դուքս անուամբ յամուր ամուր տեղիս ի պահպանութիւն աշխարհին, յոր դիւրամուտ եղեն ապա Հագարացիկ, գալով ի Միջագետաց:

Յառաջին դարուն քրիստոնէութեան Հայոց կառուցան ի նահանգիս բազում եկեղեցիք եւ վանորայք, զորո ոչ սակաւ նորոգեաց եւ վայելչացոյց բարեկարգութեամբ Սկրտիչ Նաղալ Արքեպիսկոպոս կարգեալ ի էս ժն դարու՝ կողմանցս Մոփաց: Նշանաւորք են գեղեցիկ դրիւք եւ անուամբք վանորայք նահանգիս՝ Բարձրահայեաց, Միրահայեաց, Քաղցրահայեաց, Գետահայեաց, Երկայնընկուզեաց, եւ եկեղեցիք եւ բերդք ի դիտակս լերանց, յորոց սակաւք շէն են արդ եւ բազումք աւերակք, քանզի Քուրդք տիրեցին ամուր կողմանց աշխարհին յաւար եւ յաւեր մատնելով, եւ ցարդ ամրացեալ է նոցա բազում ուրեք, եւ յառաջ քամ 15 ապստամբեալ մարտ ետուն ընդ Օսմանեանց եւ ոմանք նուաճեցան եւ այլք ի 1851:

Մեծ մասն նահանգիս արդ արուհի ի վիճակս վիճակս (սանճաք) եւ է ընդ իշխանութեամբ մեծի կուսակալին Ամդայ կամ Տիրապէքիրու, եւ մասն մի փաշային Խարբերդու, զորոց զծանօթիցն մեզ տացուք նկարագիրս ընդ աշխարհագրական դրիցն, սկսեալ ի հարաւային ծագաց արեւմտից:

ԶԵՐՄԻԿ

9. Յարեւմտեան հարաւային եզր նահանգին ընդ կուսակալութեամբ Տիրապէքիրայ, որոյ են սահմանք լեռնայինք եւ թուկն կոչեցնեալն ի հնումն Կումարք լուս Gumathene Ամմիանու պատմչի. ընդ որ անցանէ գետակն Դրզըլ չըպուի չայ օժանդակ Եփրատայ:

Երկիրն քաջ պտղաբեր է. ունի ընտիր խաղող, տանձ եւ նուռն: Զէրմուկ կամ Զերմիկ եւ ըստ տաճկաց Ճերմիկ, աւանագեօղ կառուցեալ է ի ձախմէ կամ ի հարաւոյ Գըզըլ չըպուքայ, ի լեռնատին, յորոյ վերայ ունի բերդ աւերակ, եւ յառ ստորեւն եկեղեցիք Հայոց: Սուլ ինչ հեռի յաւանէն՝ կան Ճերմուկք ծծմբային ջուրց, որոց սակս եւ աւանն այնպէս կոչեցաւ, եւ համբաւեալ են ջուրքը ախտահանաք զօրութեամբ, յորս գան ամարայնի բազում մարդիկ ի շրջակայ վայրաց: Շանօթք էին Ճերմուկս եւ առ նախնի Բիւզանդացւովք եւ կոչէր աւանն Ապարան կամ Ապանե (Abarne):

Յարեւմտից հարաւոյ Զերմիկայ կան գեօղք Մետրոս, Սառակ: Խսկ յարեւելից նորա հուպ ի Ճերմուկսն, ի ձախմէ վտակին՝ Գոլան գիւղ:

ՇՆԳՈՒԾ

10. Շնելուշ կամ Զիւնկիւղ ըստ տաճկաց՝ վիճակէ ի հիւսիսոյ Զերմկայ, նման նմին լեռնավայր եւ պտղաւէտ. ունի եւ երկաթահատու ի լերինս, յոր վաստակին մերազնեայք: Շնելուշ քաղաքաւան վեց ժամաւ հեռի ի Զերմզկայ յարեւմտից հիւսիսոյ նորա հուալ յնփրատ, կառուցեալ է ի լեռնոտին: Են ի նմա 400 տունք Հայոց եւ եկեղեցի Ս. Կարապետ եւ դպրոց 70 համբակաց: Կայ առ նմին եւ մենաստան Սիրահայեաց Աստուածածին կոչեցեալ, ուր նատի առաջնորդ վիճակին: Էտիշ կամ Ստիշ աւան է ի ստորոտս լերանց ի հիւսիսոյ Շնքուշայ, իբր վեց ժամաւ հեռի ի նմանէ, մերձ յնփրատ 200 հայ գերդաստանօք: Բայց չունիմք զվիճակացս նոր եւ մանր տեղեկութիւն:

ԱՐՂԱՆԱ (ԱՐԿՆԻ)

11. Ի հիւսիսոյ արեւելից Զերմկայ եւ ի հիւսիսոյ Ամդայ կայ վիճակն Արդանայ, որ եւ Արդնի կամ Արկնի, այժմ սանճաք Ամդայ, երկիր լեռնավայր եւ դժուարագնալի, յորում գտանին առատ բովք պղնձոյ եւ երկաթոյ: Գլխաւոր լեառնն բովուց Քափուրմատէն, բարձր է 4222', լեառնն Արդնոյ 3753', Քալադրտաղ եւ Ալի-տաղը ի վերոյ Արդնոյ 3285': Ընդ վիճակս այս անցանէ արեւեմտեան բազուկ ակնաղդրերն Տիգրիսի՝ որ կոչչ Պաղնայ-գետ կամ Շադ-ի-Պաղին, եւ քերեալ զԱրդնեաւ՝ առ Ալկաւ միանայ ընդ արեւելեան եւ հզօրագոյն բազկին, այս է Դէրնի կամ Շեպակնե-սու:

Արդանա կամ քաղաքն Արդնոյ, որ եւ Արկնի ըստ մեզ եւ Արդընի ըստ այլազգեաց, Արգիմիա ըստ լատինաց (Arsinia), (Արքանա ի բեւեռագնդակս Ասորեստանեայց ըստ Հնախուղից), կայ ի հարաւակողմն վիճակին, հուալ ի գլուխ Գոզու-չըպուք գետակին Զերմզկայ, յաջմէ նախայշեալ վիճակին Պաղնայ, յափափայ կողս ապաւաժ Քոլադ լերին, բարձր գոլով յերեսաց ծովու 2884', գիրս գիտակս եւ գեղեցիկս ունելով, հայի ի դաշտն Ամդայ: Ուրեք ժայռք ապալերք եւ ուրեք այգիք պատին զնովաւ, որք եւ խոնարհեալք ձգին ի բարձրաւանդակ դաշտավայրս, ուր լինի եւ ցորեան եւ գինի ազնիւ եւ միրգք: Քաղաքն ըստ զառ ի վայր լերինն տարածեալ, երկու մասամբք կոչչ վերին եւ վարին քաղաք: Զիք ի նմա նշանաւոր շինուած, այլ տունի իբր 1000, յորս 300 Հայոց, որոց առաջնորդարան մենաստանն Բարձր կամ Բարձրահայեաց Աստուածածին կայ յոստ մի երկնիդ լերինն, որը ասեն հիմնարկեալ ի Թաղէոսէ առաքելոյն, եւ նորոգեալ յամին 1433 ի նաղաշայ Մկրտչէ եպիսկոպոսէ Ամդայ եւ կոմանցս. եւ դարձեալ նորոգեալ մենաստանին յամին 1863: Ի տօնի Վերափոխման Տիրամօրն հան-

դէս մեծ կատարի ի նմա եւ ուխտաւորք խուռն դիմեն անդր: Ի միւսում գագաթան լերինն կայ ուխտաւեղին Տաճկաց Զիւլֆաֆալ կոչեցեալ: Անդէս եւ ահաւորահայեաց բերդն Ամուրն Արդեռոյ կոչեցեալ ի գիրս մեր. ի կէս ժԱ դարու ամրացեալ կային ի սմա հսկայակերպ իշխանք հայկազունք, որդիկ Հաքելայ ուրումն, որոց անդրանիկ Հարպակ կոչելու եւ պահէր զբերդն եւ գտեղին հակառակի, որպէս կոչէ Մատթէոս Ուռհայեցի, որ թուի կիրճ անցից, ընդդէմ Պեռլոզի զօրավարի կայսերն Մոնոմախի, զի «առեալ այս եւ ելեալ պահէր գտեղին, եւ զաւուրս երիս ոչ իշխանաց ննջել ամենեւին, (այլ ապա խաքեալ ի նենգողաց) ննջեաց, զի ձանձրացեալ էր յոյժ: Եւ իբրեւ քաղցրացաւ քուն իւր՝ յարուցեալ ազգականն իւր հատանէր սրով զգլուխն Հարպականն՝ զառն հզօրի եւ քաջի, եւ զնոյն գիշերն հասուցանէին զգլուխն առ Պերող կատապանն: Եւ սպանողքն ոչինչ օգտեցան՝ բայց միայն անէծն: Եւ հրամայեաց Պերողի ձող ցցեալ զգլուխն Հարպականն եւ տանել ընդդէմ դրան բերդին: Եւ ի լուսանալն տեսեալ եղբարցն նորա եւ ծանեան, եւ վաղվաղակի բացեալ զգլուռն, եւ արկեալ հող ի վերայ զիմոց իւրեանց, եւ լալով գային երեք եղբարքն (Դաւիթ, Լեւոն եւ Կոստանդին), եւ անկարնէին առաջի հատեալ զվարոյ Հարպականն, եւ այնչափ կոծ առեալ նոցա՝ մինչեւ ողս առեալ լային ամենայն զօրք բանակին: Եւ այսպիսի օրինակաւ տիրանայր Պեռոս ամուռ բերդին Արկնոյ¹: Յետ տասն ամաց՝ յամին 1062, զօրք Տուղրիլ Սուլտանի յանկարծ հասեալ ի վերայ գաւառին Արդոյ՝ նուաճեցին զայն մերձակայ վիճակօքն, որոց դարձեալ տիրացան Յոյնք, մինչեւ առին ի նոցանէ թուրքք, յելս ժԴ դարու եռուսուփ թուրքմէն եկեալ ի Դավրիիոյ տիրեաց Տողնոյ եւ կողմանց Մոփաց, եւ այլք յետ սորա, մինչեւ տիրեցին Օսմանեանք:

12. Իբր չորիւք ժամուք ի հիւսիսոյ քաղաքին կան մեծահոչակ բովքն Արդանա-մատէն կամ Քափուր-մատէն, առ համանուն Արդանա գեօդիւ, որ բարձր է իբրեւ 3200' յերեսաց ծովու, եւ բնակեն ի նմա տունք իբրեւ 750, յորոց 300 Տաճկաց, 170 Հայոց եւ այլքն Յունաց, առհասարակ դորձաւորաց ի բովսն, որոց վերակացուք ի Յունաց են՝ ընդ ձեռամբ օսմանեան սոսիկանին, որ նստի ի Քէպան-մատէն: Գլխաւոր բովքն են յարեւելից գեղջն ի Սաղարա լերին, ուր հատեալ է այրս չորեքտասանն, եւ հանեն անտի պղինձ ամի ամի իբր 2000 կենդինար կամ 18.000 պաղման, աւելի կամ պակաս: Են անդ եւ հալոցք տասնիւ չափ, բայց յաճախ տանին զբծուարսն յԱմիդ եւ յէրզում եւ ի Տրապիզոն եւ մանաւանդ ի Թոքադ եւ անդ գտեն, եւ անտի սփուն ընդ ամենայն Տաճկաստան եւ Պարսկաստան: Էին ի լերինսն եւ ոսկէհանք եւ արծաթահանք եւ հալոցք բազումք, զորս միահամուռ 400 թուով

1. ՄԱՏԹԵՈՍ ՈՒՐՃԱՑՅԵՅԻ, Պատմութիւն, Երուսաղէմ, 1869, էջ 131:

ասէ Օդուէր ճանապարհորդ ի սկիզբն ԺԼ դարու. այլ այժմ անգործք եւ լքեալք կան: Հայք տեղւոյս հնագոյնք են ի գործաւորս բովուցն, թերեւս յ3000 ամաց հետէ պեղելով զքարալեառնն, որոյ գլխաւոր տարերք են որձաքար, եղջերաքար (hornblende), գայլախազք, հերձախալք (euphotide, diallage) եւ կիր: Զատ ի բովուց են եւ պղնձային աղբերք, զորս արդ հաւաքեալ յաւազանս հանեն պղինձ զուտ եւ ընտիր առատապէս, որպէս թէ 1000 օգգա ի 24 ժամս:

ԴԷԼԷՔ (ՏԼՈՒԻՔ)

13. Յարեւմտից Արդնոյ կայ վիճակն Դէլէք կամ Դոլուէ առ Եփրատաւ, որ է Տլուէ կամ Տլէոյ երկիր ըստ մեզ, զոր նախ յիշէ Սամուէլ Անեցի թէ «զԾլուք առին»² յամին 962, թուի թէ Յոյնք ի Տաճկաց. եւ ի վերջ ԺԱ. դարու խաչակիրք ֆունճք տիրացան Տլոյ, եւ կոմս հաստատեցաւ ի նմա, զոր Մատթէոս Ուռուայեցի յամին 1124 Մահի կոչէ³, իսկ ի յիշատակարանի ուրեմն գրոց գրելոց ի թուին ՇՁԹ (1130) ասի «ի բանակալութեանն փունճաց կոմսին ճաւանին... ի գաւառս Տլուք կոչեցեալ»⁴, եւ գաւառոն «յերկրին Անտիոքայ» էր ըստ պատմութեան վարուց ներսիսի Կլայեցւոյ⁵: Բայց ոչ աննշան տեղի ի հին ժամանակս թուի, քանզի ի կարգս չորեքարիւրոց տոհմից Հայոց որք ի շար արկեալ կան ի վարս Մեծին ներսիսի՝ յիշին եւ Տլինան⁶:

Գլխաւոր տեղի գաւառին Տլուէ կամ Դէլէկ ըստ այժմուս՝ կայ ի գլուխ արմկանն Եփրատայ, որ հանդէս Սելիստինոյ ի դիպան տեղւոջ. եւ յուսալի է գտանել ի նմին յիշատակս ինչ ի ծօսինեանց եւ ի Պալտուինեանց որք յառաջին կէս ԺԲ. դարու նստէին եւ խաղալին ի նմա. կամ զ Գրիգորեանց եւ ներսիսեանց: Բայց յարդեացս ոչ յումեքէ յիշատակի տեղիս. բայց միայն ջերմուկքն մերձաւորք ծծմբային աղբերաց բղիսելոց ի քարուտ վայրս, որք եւ նոյն թուին ընդ յիշատակեալսն ի Պլինիոսէ Elegia անուամբ, զոյր անուն թերեւս պահիցէ ցարդ նդիգիս գեօլ կամ աւան, որ ի թեմի Դատեմայ վանաց Խարբերդու յիշ, եւ յանուն նորա կարծի կողմանցն կոչեցեալ Եղեգնեան, Elegosine շի,

2. ՍԱՄՈՒԷԼ ԱՆԵՑԻ, Պատմութիւմ, Վաղարշապատ, 1893, էջ 100:
3. Հմետ. ՄԱՏԹԻՈՍ ՈՒՒԱՅԵՑԻ, ամդ, էջ 448:
4. Հայերէն Զեռագրերի Յիշատակարամներ Ե-ԺԲ դդ., աշխ. Ա. Ա. Մատթեոսեան, Երեւան, 1988, էջ 158:
5. Արքյան ներսիսի Շնորհալոյ Պատմութիւմ Վարուց, (Սոփերք ԺԴ.), Վենետիկ, 1854, էջ 48:
6. Պատմութիւմ սրբոյն ներսիսի Պարքեւի հայոց հայրապետի, (Սոփերք Զ.), Վենետիկ, 1853, էջ 36:

ըստ նմին հեղինակի Հռովմայեցւոյ⁷: Ի վերոյ նշանակեալ յիշատակարանի հնոյ մատենին՝ յիշի եւ Պօղոսի վամբ, ուր եւ գրեալն է նա «ընդ հովանեաւ (եկեղեցւոյ) Զաւրավարի (թերեւս Ս. Գէորգայ), յառջնորդութեան սուրբ հաւրն Սամուէլի»:

14. Նշանաւոր վայր ծանուցեալ արդ ի վիճակիս է լիճն Կէօթիւկ կամ Կէօնեկի, որ եւ Կէօքէյ ըստ Տաճկաց, եւ ըստ մեզ Ծով կամ Ծովի կամ Ծովակ, եւ ըստ մերձաւորութեան պիտաւոր քաղաքացն՝ Ծով Խարբերդու կամ Ծով Արդմու: Ի նախնեաց օտարաց կոչէր Թոսպիան ծով (Thospites lacus), եւ ի հիւսիսային եղեր նորա կայր ըստ աշխարհագրացն Թոսպիա քաղաք, որ չէ յայտ ո՞ր իցէ եւ զի՞նչ այժմս կոչիցի, կամ թէ չիցէ⁸ հեղինակին չփոթեալ զանուն լճակիս ընդ Տոսբայն Վանայ, զի եւ աշխարհագիրն Ստրաբոն՝ Թոնիտ կոչէ զսա եւ ոչ Թոսպիան, թերեւս նոյնպէս եւ Կոլքեան կոչումն զի Պտղոմէոս կոչէ զայն եւ Կոլքիս (Colchis)⁹ Ըլքեան լսելի իցէ: Արդ կայ լճակն ի հիւսիսոյ արեւելից վիճակին եւ հարաւոյ արեւելից Մէգիրէ լերանց եւ Մօլլաքէօյ գեղջ, Յ ժամու ի հարաւոյ Խարբերդ քաղաքի, երեք կամ չորս ժամաւ ընդ երկայնն յարեւելից ընդ մուտս եւ իրը ժամաւ ընդ լայնն եւ 13-14 ժամուց շրջաբերութեամբ: Բարձր է ի ծովէ 3300' եւ շրջապատեալ լերամբք, վասն որոյ եւ խոր է յոյժ: Ծուրք նորա աղի ըստ ոմանց, բայց այլք քաղցր ասեն եւ բերեն Խայտուռ ձուկն առատ: Արձակէ առուակ մի յԵփրատ: Ունի կղզեակ փոքր յարեւմտակողմն, յորում կայ կիսաւեր դղեակն Ծով կամ Ծովի, ուր ի սկիզբն ժԱ դարու նստէր Գրիգորիս Պահաւունի կաթողիկոս եւ եղբայր իւր Ներսէս Շնորհալի՝ վասն անկասկածութեան տեղույն, վասն այնորիկ եւ Կաթողիկոսի-Քար կոչեցաւ դղեակն, որպէս է ուսանել յՈւռհայեցւոյն որ ասէ: «Տէրն Անտիոքու որ եւ Բըհնան կոչի՝ եւ անուն նորա Սիր Անազտ, իջանէր (յամին 1161) ի Տէքայ երկիրն եւ ի բերդն Կաթողիկոսի՝ որ կոչի Ծով, ասպատակս սփուր ի շորջակայ երկիրն, աւար առնելով եւ գերելով զթուրքմանսն՝ զոր գտանէր ի սահմանսն»¹⁰: Բայց յառաջ քան զայն կաթողիկոսն «տեսեալ զտկարութիւն զօրութեան մերասեոից» (ըստ պատմութեան վարուց ներսիսի) երկեան դադարել ի (փոքրագոյն) դղեակն Ծով, քանզի ոչ ունէր այնչափ ամրութիւն, որ եթէ կարող գոյր փրկել զնոսա յաշխարհակործան բարկութենէն», վասն որոյ ելեալ

7. Ալիշան իր բնագրին մէջ կուտայ սա ծանօթութիւնը, «Երից Դէէկայ ի գէպ գայ նոյն իսկ Ելեքիս Պինեան, որ առ նովաւ ասէ Տաւրոս լերին միջամուկն լինել յԵփրատ 12 մղոն լանութեամբ, որ սոսուիք յարդեացս քննութենէ. Apud Elegiam occurrit ei (Euphratis) Taurus mons: nec resistit, quanquam XII mill. pass. latitudine praevalens (Պլին. Ե.ի.):
8. ՄԱՏԹԵՈՍ ՈՒՌՀԱՅԵԵՑԻ, ամդ, էջ 544:

չոգան «յանմատչելի ամրոցն Հռոռմկայ»⁹: Ի սկիզբն ԺԴ. դարու ելայ յէտոին սուլտան Իլոնիոյ տիրեաց եւ Ծովուց դգելի ընդ այլոց կողմանց Եփրատացւոց:

Իբր ի 60 ամաց հետէ աճելով աճէ եւ բարձրանայ ջուր Ծովուն, որ եւ սկսաւ ծածկել զգեօղն որ ի նմա, վասն որոյ յառաջ քան զսակաւ ամս լրին զայն Հայք բնակիչք նորին եւ բնակեցան յեղերս Ծովավին. եւ զհին եկեղեցին զՄ. Նշան քակեալ՝ շինեցին նորին նիւթովք զնոր եկեղեցի ի դաստակերտի գեղջն իւրեանց, եւ փոխեցին անդր զՄ. Նշանն որ է Խաչ մեծ երկաթեայ, եւ միջի ագրոցեալ մետաղեայ մասն մի ի կոնքոյն՝ յորում լուաց Քրիստոս զոսոս աշակերտացն. եւ թուի ի Թաղէէ բերեալն, զոր Բարսեղ կաթողիկոս արկ ի ծովն ի փախտեան իւրում յերեսաց Յունաց: Բազմամբոխ դիմեն ուկատառոք յայս Խաչ, ընդ որս սովորութիւն է բերել եւ զպատանիս եւ նախ առաջի նորա հարթել զվարսս նոցա¹⁰:

ՍԱՐԸ ՄԷՇԵ

15. Վիճակս Սարբ-Մէշէ ձգի զարեւմտիւք եւ զհիւսիսեաւ Ծովակին, եւ ունի զհամանուն լեառն բարձր, յորոյ կատար ասի լինել մենաստան Ֆիրամօր. եւ յարեւմտեան ստորոտն նորա քրդաբնակ աւանն Իզօղի կամ Իզօրի, հանդէպ որոյ նաւանցք Եփրատայ: Գուցէ այսմ վիճակի պատշաճիցի աւանն Մէզէրէ յարեւմտեայ ստորոտս համանուն լերանց, հաւասար հեռի ի Տէրոյ եւ ի Խարբերդէ, ի հարաւոյ սորա: Թուի նշանաւոր լեալ ի հնումն եւ կոչեցեալն ի Պտղոմեայ Mazara. բարձր է յերեսաց ծովու 3395': Առ սովաւ բանակեցաւ Հաֆոզ փաշայամին 1838 ի պատերազմին ընդդէմ եփիպատացւոց: Յարեւմտից Մազարայ յափին ծովակին ասէ Պտղոմէոս լեալ զնողիսն քաղաք:

ԽԱՐԴԵՐԻ

16. Մեծ եւ անուանի վիճակն Խարբերդ երկիր է Հանձիք գաւառոի հնոյ եւ կայ ի հիւսիսոյ նախ յիշելոց վիճակացդ եւ ի հարաւոյ Արածանւոյ, որոյ վտակե երկու ձգին յամիէ եւ յահեկէ վիճակիս, մին յանգի ի հիւսիսի լճին, միւսն ի սահմանս Մէզէրէ աւանի, յորոց միջն տարածանին դաշտք՝ առ հասարակ Խարբերդու դաշտ կոչեցեալ, որ

9. Սոփերք ԺԴ., էջ 544:

10. Այս եւ յաշորա հաստածին համար Ալիշան իբր աղբիւր նշանակած է «Նոյ. Աղ. 46», որ կը համապատասխանէ լրագիր Պոլսոյ «Նոյեան Աղաւնի», 1853, 24 Յունուար, ուր կան «Աղգային լուգեր»:

նբարձր է 2400' յերեսաց ծովու։ Զգի վիճակն 13 ժամուց երկայնութեամբ եւ 9 ընդ լայնն։ Են ի նմա եւ լերինք, յորս բարձր է գեղեցիկ լեառնն Մաստառ ի հիւսիսային արեւելեան սահմանս դաշտին, որոյ պարք անջրապետեն ընդ վիճակն Բալուայ։ Հայազգիք երկրին զրուցեն՝ թէ մասն ի փայտէ տապանին եղաւ ի լերինդ ի ձեռն Ս. Ցակովբայ Մծրնացւոյ, վասն այնորիկ կոչեցաւ Մաստառ։ Գտանին ի լերինսն բովք երկաթոյ, իսկ դաշտն առողեալ վտակօք մանումբք՝ քաջարեր է յոյժ եւ զուարձալի։ Ունի ցորեան, խաղող, թթենիս ջերմաբոյծս, ձիթենիս եւ խասարտ պատուական։ Եւ ի ծառոց՝ բարտիս եւ սօսիս, այլ անտառու ոչ։ Պարք բլրոց հատանեն զդաշտն ձգելով ընդ արեւելս կոյս։

Բնակիչք վիճակիս թուկին աւելի քան q10 բիւր, չորրորդ մասամբն հայ. քանզի շէն եւ բազմամարտ է երկիրն եւ կլիմայն քաջասուն. եւ մարդիկն հասակաւորք, կոտոսար անձինք եւ ուժեղք. եւ ըստ բարուց՝ խոշորք եւ անհարթք։ Ի կրթութիւն հայ սեռիցս յամին 1852 առաքեաց Պատրիարքն Կ. Պոլսոյ զՅովհաննէս Վրդ. Տէր Ղազարեանց Արշարունի, որ եւ ետ ծանօթս զազգային հանգամանաց վիճակին եւ հրատարակեցաւ յօրագրին Հայոց, յորոց մին (Մասիս, 32) չափազանց թուով աւելի քան q100.000 ասէ զհայ բնակիչս վիճակին. իսկ Վարդապետն գումարէ ի տունս սուլ աւելի քան զ5000, բայց վկայէ լինել ի նոսին եւ բազմասերունդ գերդաստանաց¹¹։

Ի միջին դարս կոչէր վիճակս Երկիր Խարբերդու եւ մասն նորահամարէին եւ մասունք ինչ հիւսիսային ափանց Արածանւոյ։ Իբրեւ ի միջավայրի դաշտին եւ կրկին վտակաց Արածանւոյ, ի հարաւոյ սորակայ զլիսաւոր քաղաք կողմանցս Խարբերդ կամ Քարիուդ ըստ Ասորւոց, յորմէ թուի ի քաջ հնումն կոչեցեալ նորա Քարբերդ կամ Կարկարաբերուտ։ Քանզի թէպէտ առ նախնիս մեր առաջինս ոչ յիշի այս քաղաք ցժ դար, յորում Ասողիկ Կարբերդ կոչէ, այլ առ Յոյնս յիշատակի անդստին ի Ստրաբոնէ Գարգարիակերտ անուամբ (Կարհածութեռ), իսկ ի յետնոցն կոչի Խաղորդէ (Խագոտե)։ Բայց Ասողիք տան նմա եւ այլ անուն՝ Հըսն-Զիյատ, այլ եւ Հարէտ-Բարէտ կոչի ուրեք։ Դիրք նորա ի քարալերին բարձու 4530' յերեսաց ծովու եւ վայրքն քաջադէպք ընդ մէջ ականց Տիգրիսի եւ խառնորդոյ Եփրատայ եւ Մուրատայ. ամրութիւնքն եւ հնութիւն անուանն ցուցանեն ի վալ ժամանակս շինեալ զայն նախարարաց կամ թագաւորաց Ծոփաց, որոց եւ մայր քաղաքաց եղեալ վկայի ի պատմչացն Յունաց։

Բայց թէպէտե դիրքն վայելուչք՝ այլ օդք ամարանի անհանդուրժելիք են անդ։ Այժմ աթոռ է Խարբերդ Օսմանեան բդեշխի, ընդ որոյ իշխանութեամբ են գաւառոք բովուց կամ Մատէն էմինի, Արաբկիր,

11. Այս հատուածը («Բնակիչք վիճակիս...») Ալիշան աւելցուցած է յետագային՝ իր բնագրին լուսանցքին վրայ։

Մելիտինէ եւ Բեհեսնի յայնկոյս Եփրատայ: Է եւ արքեպիսկոպոսական Աթոռ Հայոց, ընդ որով են չորք թեմական վանք Հայոց եւ վիճակք Զմշկածագուց եւ Կապանայ: Բնակիչք քաղաքին հաշուին 1700 տունք, աւելի կամ պակաս, յորս 400 տուն Հայոց եւ 20 հայոց հոռմէականաց: Ցովհաննէս Վրդ. Արշարունի (1852) հազիւ 500 տուն հայ ասէ ի քաղաքին: Չորք եկեղեցիք են Հայոց եւ 4 մատրունք ըստ միոյ միոյ չորից թեմից: Անդստին յժմ. դարէ յիշատակին Ս. Կարապետ եւ Ս. Յակոբ եկեղեցիք քաղաքին, եւ Ս. Ստեփանոս ի ԺԶ. դարու՝ որ այժմ թեմ է Ղուկու առաջնորդին. եւ Ս. Նշան Սինամուտայ:

Ս. Կարապետ նորոգ շինեցաւ առ մեօք, չորիւք սեամբք եւ հինգ սեղանովք, եւ գլխաւոր է եկեղեցեացն: Խսկ Ս. Յակոբ հին է եւ վայելուչ եւ ունի առընթեր զպրանոց մանկանց 110ոց: Ս. Նշան փոքրիկ եւ վայելուչ, ունի առընթեր եւ մատուռն մի Ս. Սարգիս Սինամուտայ (յանուն մեծի գեղջն Սինամուտ). յեկեղեցւոյն պահի մասն կոնքոյն՝ յոր ասի Տիրամօրն լուացեալ զՅիսուս: Բացաւ առ սովաւ վարժարան օրիորդաց յանուն Ս. Շուշանայ: Գոյին ի քաղաքիս միանձնուածիք եւ ի նախնի դարս, որպէս յիշին ի յիշատակարանա գրոց յամին 1295: Ժաման հետի յարեւելից քաղաքին կայ Ս. Այրոն, այսինքն Ահարոն, ուխտատեղի ի ձեռս Ասորոց, յոր գնան եւ մերազնեայք յովստ: Մերձ է ի նա քարայր մի խոր ի զառիվայր լերին, յորում քամիք ջուրցն յամառան սապին եւ ձմերանի եղացեալ լուծանին, զոր բնակիչքն սքանչելիս համարեալ՝ պատուեն:

Յարեւելից կուսէ քաղաքին յանջատ ոստ լերին կայ ի բարձու բերդն հին եւ անուանի, որոյ կանգուն կան մասն մի եռակարգ եւ եռադուռն պարսպաց եւ աշտարակաց, յորում են եւ ոմբածիգ հրանօթք երկու փորագիր անուամբ սովորան Սովէյմանի: Երկու խորափորք են հատեալ ի քարալերին բերդին, մին ջորյ ամբար իջանելի աստիճանօք, միւսն ցամաք եւ գողուղի ճանապարհաւ տանի հանէ ի գեօլս բացակայս, մինչեւ ի Քօրիք գիւլ Յ ժամաւ հեռի:

Յետ կիսոյ ԺԱ. դարու տիրէր Խարբերդու Փիլարտոս քաջ եւ բըռ-նաւոր հայկազն, խսկ ի սկիզբն ԺԲ դարու Պալակ իշխան հզօր յՈՐ-դոքեան տոհմէ թրքաց տիրէր նմին, եւ ի մարտնչել ընդ նմա փուան-գաց՝ Պալակայ կալեալ զծուալին զկոմսն Եղեսիոյ եւ զՊալտին Բ. զթա-գաւորն Երուսաղէմի՝ արկ ի բանտ ի բերդն Խարբերդու: Խսկ արք 50 կամ 15 ըստ այլոց՝ ի կորովեանցն Հայոց յամրէն Բեհեսնոյ՝ «խոր-հեցան խորհուրդս քաջաց եւ կատարեցին զգործս անմահից» ըստ գե-ղեցիկ ասից պատմչի մերոյ ժամանակակցի նոցուն, քանզի վանականի ձեւով մտեալ ի քաղաքն եւ մերկացեալ զզէնս թաքուցեալս՝ սպանին զդիմակացս եւ տիրացան բերդին, արձակեցին զքաջն ձօսլին: Խսկ Պալտին դարձեալ պաշարեցաւ ի Պալակայ, որ եւ հրով խարխալեալ զկրային մասն լերինն՝ յորոյ վերայ կայր բերդն, կալաւ զՊալտին եւ

արձակեաց, բայց քաջքն եւ տիրասէիր հայք չարաչար մահուամբ նահատակեցան ի բռնաւորէն, որ եւ «կոտորեաց զամենայն կալանաւորսն իբրեւ ոդիք վաթսուն եւ Հինգ, եւ կանայս ութսուն գեղեցիկս ետ ձգել ընդ բարձրութիւն բերդն ի վայր»: Ելայէտին սուլտանն զոր յիշեցաք ի վեր անդր՝ տիրեաց եւ Խարբերդու՝ ընդ ծովուց: Յելս ԺԴ. դարու ամրացաւ այսր Պուրհանչտտին կամ Բուրխանադէփին գանիշման գրագէտ եւ բռնաւոր, այն որ զՍտեփաննոս Եպիսկոպոս Սեբաստիոյ նահատակեաց: Սքանչարբէկ յառաջին քառորդի ԺԵ. դարու ի հուր եւ ի սուր դատեաց զԽարբերդ եւ զսահմանս նորա. իսկ կէս դարուն իշխան տեղւոյն կոչէր Հասան Բէկ, որոյ կին Դեսպինա, դուստր կայսերն Յունաց Տրապիզոնի, քազմացոյց անդ զդասս միանձանց Յունաց. սա ինքն թուի կոչեցեալն Դեմինա Խաթուն ի յիշատակարանս ինչ Հայ գլոց:

17. Ի գեղեցիկ դաշտին Խարբերդու սփուեալ են գիւղորայք բազում, յորս 60 գիւղք հայաբնակք, եւ միահամուռ ի նոսա հայ գերդաստանք իբրեւ 5000, պակաս կամ աւելի: Բազումք ի գիւղից աւանք անուանիք էին ի հնումն եւ գտանին ի նոսա աւերակք բերդորայից յամուր վայրս: Ցովսափատ Պարպարոյ գենետկեցի ի կէս ժԵ դարու ճանապարհորդեալ զվայրօքս՝ յիշէ զամուր աւանս Մոշոնի (Moschont), Հալլա (Halla) եւ Թենէ (Thene), մէն 500 երդ բնակչօք, ընդ մէջ Խարբերդու եւ Բալուայ, թերեւս յերկրորդն իցէ Խովէ եւ զբնակիչս վիճակին կոչէ Քօյունելու (Coinari) եւ թարգմանէ խաշնաւոր: Իսկ ի յիշատակեալսն առ մեօք զվիսաւորք են այնոքիկ՝ յորս մերձ կան չորեքին նշանաւոր եւ թեմական վանորայք Խարբերդու. յորս զառաջին տեղին ունի Ղուլէու վանեն կամ Ս. Գէորգ, հուալ ի գեօղն Խովլա կամ Ղուլէ ի հարաւոյ քաղաքին, յորում 95 կամ 100 գերդաստանք են Հայոց եւ եկեղեցի փայտայրկ յանուն Տիրամօր: Մենաստանն ի զաշտին կայ, ոչ է մեզ ծանօթ ժամանակ շինութեան, այլ թուի շինեալն ի Սովսիսէ անապատականէ ի վերջ կոյս ԺԴ դարու, զորմէ ասէ Ասողիկն ժամանակից: «Ի սոյն ժամանակս եւ ի Լիկանտոն աշխարհին ի նահընեար տեղիսն, ի Կարբերդ գաւառի, ի ձեռն հօրն Մովսիսի շինեցան վանքն՝ որ անուամբ նորա կոչի»¹⁹: Ի պատմութիւնս ժողովոցն Սսոյ՝ կոչի մենաստանս այս Մովսիսնոց, եւ յիշին վանահարքն՝ Կարապետ յամին 1307, եւ Թորոս՝ յամին 1342: Երեւկն նորոգեալ եւ զարդարեալ ի սկիզբն ԺԴ դարու, յորում ժամանակի փոխադրեցան անդը նշխարք Ս. Գէորգեայ, ի ձեռն Միքայէլի արքապիսկոպոսի Խարբերդու եւ Մելքոնի իշխանի ի ցեղէ Ռուբինեան թագաւորաց, որպէս ստուգեցաւ այս ի մագաղաթեայ յիշատակարանէն գրելոյ հաւանօրէն ի թուին ԶԿԴ

12. ՍՏԵՓԱՆՈՍ ՎՐԴ., ՏԱՐՕՆԵՑԻ, Պատմութիւն Տիեզերական, Պետրովուրդ, 1885,
էջ 175:

(1315), որ գտաւ յամին 1839 կամ 1842, ծածկեալ յորմն եկեղեցւոյն, ուր յայտնեցան եւ նշանք սրբոյն՝ հանդերձ այլովք, եւ չի միւռնի օրհնելոյ ի Ներսիսէ Շնորհալոյ, զոր ժառանգեալ ունէր Մելքոն ի Հեթմոյ թագաւորէ, եւ արդ պահի ի նոյն վանս, կնքով նորին սրբոյ հայրապետի, եւ վկայի ի յիշատակարանին՝ տեղոյն յառաջագոյն կոչեցեալ Մովլոնց (Մովսիսոնց)¹³:

Եկեղեցին փոքր է եւ գմբեթաւոր ի վերայ վեցից սեանց. փոքր-կացեալ են եւ վանքն եւ միայն վանապահ ունի: Ի սակաւ եւ հակիրճ արձանագիրս եկեղեցւոյն՝ գտանի ի վերայ հարաւային դրանն. «Այս է տապան Մովսէս կրօնաւորին, թվ. Հին», որ եթէ շինողին իցէ Մովսիսի՝ զթիւն ընթեռնի է նիւե: Յայլում խորտակեալ մահարձանի գոյ թուական ԶԶԶ (1307): Գոյ եւ յիշատակ Մելքոնի. «Շինեցաւ ձեռամբ Մելքոնի, թվ. Հայոց», ի հանդիպոյ ԶԿԳ (1514). այլ թէ Մելքոնի է թուականս՝ պարտ թուի ԶԿԳ (1314) լինել: Առ սովաւ փոխեցաւ անուն տեղուոյն ի Ս. Գեղրգայ վանիք: Նորոգեալ թուի յետ ժամանակաց ի ՌԿԴ թուի (1615) «ձեռամբ Մատթէոս եւ Խաչատուր վարդապետաց»: Առաջնորդ վանացս ի հնումն վերակացու է համօրէն դաշտին Խարբերդու. այժմ 20 գեօղք միայն են ի թեմի նորա, յորս գլխաւորք են Պալմզէն կամ Բգմշէն (Բազմաչէն) ընդարձակ եւ արդաւանդ 200 հայ գերդաստանօք եւ հին եկեղեցեաւ: Հնագրակ, 100 տուն հայ. Արփաւուտ, 60 տուն հայ. Քերփէ, 125 տուն հայ, եւ եկեղեցի փայտաշէն. Աշուան, տունք Հայոց աւելի քան գ100 եւ եկեղեցի մի անշուք:

18. Երկրորդ վանքն Արդմսեհի ի նմին դաշտի ի ձորամիջի, առ Զարդարիչ գեօղիւ, շինեալ յասուրս նախայիշեալ Միքայելի արքեպիսկոպոսի եւ Մելքոնայ, որպէս ասի ի նմին յիշատակարանի Շէն է ցարդ սակաւ միաբանօք: Ասս պատուին նշանք սուրբ վկային Արդմսեհի, որք եւ ամբողջ ասին լինել, բաց ի գլխոյն. ընդ նոսին պատուի եւ աւազան մկրտութեան նորին, պատեալ քարամբք, եւ հանգին նըշ-խարքն ընդ միով յերից խորանաց եկեղեցւոյն: Կայ եւ մատուռն մի կիսափող Ս. Կարապետ անուն ի վանքս: Եւ մերձ նմին ի քաղաքն կոյս այլ մատուռն ուխտատեղի, յորում ամփոփեալ կան նշանք սրբոց: Քառորդաւ ժամաւ հեռի ի վանացս է աւերակ Ղշդառ կոչեցեալ քաղաքատեղոյ, բնակութեան սրբոյն, ի կեսարողորաձեւ լերին, եւ մնան հիմունք պարսպատ ի կիսաշաղախ որմոց: Մերձ է ի սոսա Զարդարիչ գիւղ՝ յորոյ անուն վանքն կոչեն, 52 հայաբնակ տամբք: Գեօղք 23 են համօրէն թեմի վանացս, յորս գլխաւոր է Հողէ կամ Հողի 325 տամբք, Գոմի 150 տուն, Հարուսին 170 տուն:

13. Նոյեամ Աղաւմի, 1853, թիւ 48:

Երրորդ վանք Դատեմայ, յանուն Ս. Աստուածածնի, երկժամաւ հեռի ի քաղաքէն, առ Դատեմ կամ Դեասիմ գեօղիւ, որ ունի 120 կամ 150 գերդաստան Հայոց: Վասքն չէն են եւ եկեղեցին վայելուչ, թէ-պէտեւ ոչ ընդարձակ: Կայ այլ առ նովաւ ուխտատեղի Յովհաննու Մկրտչի՝ կիսաւեր: Ցիշին յամին 1628 Արիստակէս Վրդ. գիտնական՝ Խարբերդցի, որ եկեղելի կ. Պօլսու՝ ետ գրել անդ Հայոց Մաշտոց մի վասն Աստուածածնի վանաց Դատեմայ. եւ եղբարք իւր՝ Վրթանէս, Յուսիկ, Խառչայ (որդիք Կիրակոս երիցու եւ Կուզքան Հոփիսիմեայ): Այս եւս մենաստան շինեցաւ առ շինութեամբ Արդմսեհի վանաց, եւ այժմ առաջնորդ նորա ունի թեմ 10 գիւղից, յորոց մի է Եղեղի՝ զոր կանխաւ յիշեցաք, 73 տամբք Հայոց, եւ մեծաւ փայտայրկ եկեղեցեաւ. եւ միւս Խոյլու կամ Խոյլու 220 հայեցի գերդաստանօք եւ Ս. Մտեփանոս եկեղեցեաւ: Խմամոյ 120 հայ երդեօք, եւ Ս. Նշան եկեղեցեաւ: Հերիլ՝ տուն 80, Կարմրի՝ տուն 100. Վերի Խօխ կամ Խոհ՝ տուն 100. Վարի Խօխ՝ տուն 8. Ավեսու՝ տուն 100, եկեղեցի մի. Սինամուտ՝ տուն 100, եկեղեցիք 2. Փաշայ Մէրգէ՝ տունք Հայոց 72, աստ նստի զինուորական փաշայն, եւ կիսաֆամաւ հեռի է ի քաղաքէն ի հարաւոյ արեւելից. ի հիւսիսոյ Հարսիկայ:

Չորրորդ վանք Սրբարու Ս. Գէորգ, ի հարաւոյ Խարբերդու եւ ի հիւսիսոյ Մէզէրայ առ համանուն գեօղիւ, հուպ ի Հողի գիւղ, որ եւ Սիւրսիւրիւ կամ Սրբարու: Առաջնորդ սորա ունի 12 գեօղս ի թեմ, որոց իւրաքանչիւր են եկեղեցիք: Եկեղեցի վանացն հին է, փոքր եւ նսեմ, լուսանցոյց փոքր ի ձեղուան ունելով, եւ գաւիթս փայտակերս առընթեր, յորս են խաչարձանք երկու, մի յանուն Խաչատուր եւ Գալուստ եպիսկոպոսաց, ի թուին ՌժԲ (1563), միւս՝ Մովսէս արեղայի ի թուին Ռի (1591): Եւ ի վերայ դրաց քաղաքորմոյ վանացն (յորում են սակաւ միաբանք ժառանգաւորք) արձան շինութեան ի թուին ԶԿԱ (1512) «ի փատիշահութեան Շահինարի, ի հայրապետութեան Տեառն Յովսեփայ»: Գիւղն Սրբարու բնակեալ է միայն ի Հայոց 185 տանց: Այլ գեօղք՝ Հիւսէյնիկ, ի հարաւոյ քաղաքին, 300 հայ տամբք, Հարսիկ՝ 400 տուն Հայոց, որոց ձեռն արկեալ է ի շինութիւն մեծի եկեղեցւոյ եւ դպրոցի: Մորենիկ՝ տունք 62, Երդմթիկ՝ տունք 72, Խէրխիկ՝ տունք 12, Թլանգիկ՝ տունք 21, Փարչանց՝ տունք 105, Վարդատիկ՝ տունք 72, Գայլու՝ տունք 25, Ենիմեկ՝ տունք 9, Զարալողիկ՝ տունք 8:

Արտաքոյ չորից թեմական վանացս Հայոց կայ եւ վանքն Սրբաւոց ի դաշտին Խարբերդու, մերձ ի քաղաքն, յիշատակի ի նախասացեալ մագաղաթին, իսկ ի Յայսմաւուրս յանուանէ կոչի Ս. Պարսամէի վանք, ուր թաղեցաւ յամին 1290 (ԶԼԹ) երանելի նահատակն Գրիգոր վարդապետ Բալուեցի, երկոքումքը ընկերօքն Կիրակոսիւ եւ Միմէռնիւ արեղայիւք, որոց բազում ուղղութիւնս արարեալ էր քարոզութեամբ ի քաղաքին եւ ի սահմանս նորա:

19. Այլ գեօղք Խաղբերդու յարեւելից կողմանէ Քիւրտէ մինիկ կամ Քիւրտէնիկ, ի ստորոտս Մոստար լերին, հուպ յԱրածանի: Ի հարաւոյ նորա՝ Ելմա, Մսըր Օղլու, Թէփէթիկ, Եջմէ յայնկոյս՝ այսինքն ի յաշմէ արեւելեան վտակին. Ապուտի ի հարաւոյ նորա: Սիոռ կամ Սրիսուր հանդէվ Քիւրմէնիկայ յայնկոյս Մուրատայ: Գոմք կամ Գոմք հայաբնակ գիւլզ: Ալիշխամ կամ Ալիշան երկամաւ հեռի յափանց Մուրատայ, յորում 100 տունքն են տաճկաց, ի բարեբեք վիճակի: Քառորդաւ ժամու հեռի ի սմանէ ընդ արեւելս կայ Հողագօր գիւլ մեծ հայաբնակ, եթէ չիցէ նոյն ընդ Հավթասար գեղջ: Աստի եւ անդր լեռնային սահմանք են հուպ ի Թիլքէ:

Այլ եւս գեօղք յիշատակեալք ի «Նոր Հայաստանի», զորոց ոչ գիտեմ ո՛չ զգիրս եւ ոչ զանգամանս. Սարբուլու, Խարասաս, Հանարի, Կեօկչե-գալէ (Կապոյտ բերդ), Շէյխ-հանի, Խօշ, Մուլի կամ Մղէ, Խոզէքրէ, Պալընա, Սարը-եագուպ, Խոշմէր, Քնատառին, Ճիւմդ, Քիւրք, Կիւմէ, Հաւթասար, Տալտէր, Տատահին, Ճիչ, Փօյրազ, Իւշաղան:

ՄԵԾԿԵՐԸ (ԳԱՐԱԶՈՐ)

20. Հիւսիսագոյն եւ արեւագոյն չորեցուն վիճակաց Զար (Զէ-հար) - սանճագայ՝ է Մեծկերտ, որ եւ Գարաչօր կոչէր, եւ տարածեալ է երկուստեք ստորին հովտի Մնձուր գետոյ, ի հարաւոյ ունելով զՓերի վիճակ, յարեւմտից զՍաղման, ի հիւսիսոյ զԾուժիկ լերինս, յարեւելից զՖէրսիմ լերինս եւ զԿեղի, եւ յայսմ կողմանէ վտակ մի իջեալ խառնի ի Մնձուր:

Մեծկերտ աւան, որ արդ անշքացեալ է յոյժ, տեղի նշանաւոր լինել յայտ է ի մնացուածոց շինուածոցն որ շուրջ զնովաւ եւ սակաւուք հեռագոյն ի Գարաթախտիկ քարալերինս: Դէյլըր անգոյեացի¹⁴, քննող վայրացս, համարի զայն դուռն կամ գլուխ մեծի արքունի եւ զիւր ճանապարհ՝ որ ընդ հիւսիս տանէր յԵկեղեաց ի Կարին եւ ի Պոնտոս եւ մինչեւ ի Մելիտինէ, եւ ըստ տեղացի աւանդութեան կամ կարծեօք համարի ի հնումն կոչեցեալ Որմզդակերտ, եւ աղաւաղեալ այժմ ի Մազկերտ ըստ թուրքաց, որք եւ գրեն Մաղաշիրտ:

Նշանաւոր չինք աւանին են այժմ եկեղեցիք Հայոց, հին մզկիթ եւ մէտրէսէ մի հասակառոյցք՝ ի սպիտակ եւ սեաւ շարիւ ստուարատարը քարանց. նոյնակս եւ գմբէթք կամ գերեզմանք: Մզկիթն ամբառնայ ի վերայ չորից լայն եւ տափակ կամարաց եւ չորից ստուար մակասեանց: Մէտրէսէն նորակերտ է քան զմզկիթն, եւ գումբէթքն իբրեւ:

14. Ալիշան իբր աղբիւր նշած է. «Լև Աշխարհագրական Օրագիր, Լոնտոն, 343»:

ՃԳ. դարու կանգնեալք: Առ պատմազիրս մեր յիշի Մեծակերտ յամի 850, նուաճեալ ի Թէոփիլոսէ կայսերէ ընդ այլ բերդորայից եւ քաղաքաց Զորրորդ Հայոց, զորս թափեաց յԱրաբացւոց¹⁵:

ՑԵԼՍ ԺՎ. դարու սովորան իկոնիոյ տիրեաց բերդին Մեծակերտոյ, բայց յետ սակաւուց անդրէն Ցունաց թուկի թափեալ զայն. քանզի յամի իբր 1106 յերթալ Բարսողի կաթողիկոսի յԱնոյ առ Գրիգոր Վկայասէր, եւ ի գալն այսր «պատահէ նմա փորձութիւն ինչ սակաւ ի ճանապարհին ի բերդն Մեծակերտոյ, մօտ ի Բալու, ի Ցունականացն՝ որ անդ, որք կամեցան կողոպտել զնոսա. բայց նա քաջասրտաբար արիացեալ՝ ոչ ետ ըստ կամաց իւրեանց առնուլ, այլ զոր ինքն թողացոյց. բայց զիմաշն երկաթի՝ ձեռագործ առաքելոյն Թաղէոսի՝ որ տանէին առաջի, ընկէց բարձողն ի ծովակն, որ յետոյ գտեալ եղեւ»¹⁶: Ցուցանէ բանդ ծովակի միոյ լինել մերձ ի Մեծակերտ, որ ոչ նշանակի յաշխարհացոյց տեսրակս քննչաց վայրացն: Գրեթէ ի նմին ժամանակի կամ յետ իբր 15–20 ամաց՝ իշխան Մեծակերտոյ եւ Խոզնայ կողմանց յիշի լինել Առօտ ոմն յունածէս Հայ, զոր Տարօնացին եւ Պօղոս Կոչէ, այր պատուական, տունկ մեծ եւ փառաւոր եւ երեւելի իշխանն մեծախելք եւ այր իմաստուն, որ եւ թուի հակառակել Հայոց վարդապետութեան եւ նոցա չանսալ նմա:

Ծոհեմի գեօլ Մեծակերտոյ յիշատակի յելս ՃԳ դարու: Մեծակերտոյ վանք՝ Ս. Յակոբ եկեղեցեաւ յիշատակի յելս ԺԵ դարու:

Ի նորումս ծանօթ գեօլք Մեծակերտոյ են, յաջմէ Մուծուրայ կամ յարեւմտից՝ Թիւրիւշմէ, յորում էին 80 կամ 100 տուն Հայոց, զորս կողոպտեալ Քրդաց յամին 1851 (Մայիս) հրձիք արարին եւ զբնականութիւնսն: Ծիւշենք (Ծուշանք) ի հարաւոյ վերնոյն: Երիմն (Erinko), Ըլընտակ կամ Երիմտակ (Eyrindek), Աւգունիկ՝ ուր գիշերօթեաց Դէյլըր յամի 1866 (5–6 Հոկտ.). Քիւմինիւր գեօլք կրկին (Kuujur), Ծիխսոր (Schiksor - Scheikjo) առ գետեգերք Մուծուրայ: Իսկ յայն կողմն, յահեկէ եւ յարեւելից գետոյն նշանակին Փախ յելից Գարապժախտիկ լերին, Շաղուլան ի հարաւոյ նորին:

Ի հիւսիսի Մեծակերտոյ, մերձ յաւանն՝ պազալդիկ շարք լերանց եւ բլրոց պարսպին գովածեւ հովիտ համանիւթ. Գարա-Թախտիկ կոչին լեռնականքդ, յայտնապէս արտակիտեալք հրաբուղին զօրութեամբ, յորոց մին իբր երկֆամաւ ի Մեծակերտայ՝ շեղաձեւ ամբառնայ ց800' ի բարձրութիւն, եւ աւելի քան զ3500' շրջապատութեամբ ստորոտիցն, ունելով յանկեան միում գաղաթան՝ բլրաձեւ կոհակ պասալտեայ 200' բարձր, որոյ գաղաթն հատեալ է ի տաճար կամ յատրուշան, եւ ի խոր ակօսս՝ լցեալ մանրամադ հողով իբրեւ մոխրով փայտածղոյ,

15. ՍՏԵՓԱՆՈՍ ՏԱՐՈՆԵՑԻ, անդ, էջ 144:

16. ՎԱՐԴԱՆ ՎՐԴ. ԲԱՐՁՐԵՐԵՐԵՑԻ, Հաւաքումն Պատմութեամ, Վենետիկ, 1862, էջ 113:

զոր եւ աներկբայ տուն կրակի պաշտաման համարի առաջին քննող տեղույս՝ Դէյլը անգղեացի (1866, Հոկտ. 6-7), եւ տեսանելի ասէ զկրակն ի Խարբերդայ եւ ի Մեհրապ լեռնէ (Արդնոյ) եւ ի բացագոյնն սահմանաց Զարսանճագ դաշտի: Մեծ մասն մի քարակոյտ կոհակին սասանութեամբք կործանեալ ի գետնի (ի սարատափ լերինն): Արեւմտեան կողմն եւ բովանդակ ստորոտ կոհակին հատեալ է յանձաւ կամ ի սենեակս եւ սրահակս վայելուչ յօրինուածով եւ զրուագօք ինչ ի ձեղուան եւ առ դրամբք, ի նոյն ի պասալդ վիմի, յորմէ գործեալ են եւ սիւնք եւ խոյակք ինչ մնացեալք: Զմի ի սեանցն իբրեւ սրբազնն ինչ (ասէր Դայլը) պատուին Գորլպաշը բնակիչք կողմանցն, եւ Հայք խաչակնքեն զինքեան յելանելն ի լեռնաբրլուրս այս: Ի սեւակրմիր քարանց պարիսպ ածեալ է զնովալ պելասգաձեւ, իբրեւ յամրութիւն բերդի, որ թէեւ ոչ որքան տաճարն՝ այլ տակաւին հին շինուած երեւի: Նորագոյն եւս են մարտկոցքն կամ աշտարակաձեւք, յորս եւ կիսեղծ արձանագիրք թուրքաց Որդոգեանց կամ Սելչուկեանց, եւ ի միումն առիւծ քանդակեալ խոչորակերպ: Բայց Հնագոյն յիշատակարան ի տաճարի կամ յատրուշանի անդ էր, առ դրամբք նորա կամարաձեւ անդաստակք են եւ նստարանք Հատեալք ի վիմի: Եւ ի միումն յորմոց կամարացս բեւեռքանդակ արձանագիր 16 տող, զոր Հնախոյզն բանասէր սպայ Թասլինսըն ասէ ասորաձեւ գրով եւ հին հայերէն լեզու, յիշատակ Ռուուայ, որդոյս Արգիստեայ թագաւորի լերանց Նաիրայ (Վանայ), ժամանակակցաց Սենեքերիմայ եւ Ասորդանայ: Իսկ ի հանդիպոյ բեւեռարձանին քանդակեալ է խաչ գեղեցկայօրէն, գուցէ յառաջին դարս քրիստոնէութեան Հայոց:

Ցելից Մեծկերտոյ նշանակն Ծիլք, Մոլիունդի: Ի հարաւոյ Մեծկերտոյ Դամարդուկ, Լազվան, (Դաշ) - Վլնտան, Տանապրան:

ՔԷՊԱՆ ՄԱՏԷՆԻ (ԿԱՊԱՆ)

21. Քէպան-Մատէնի կամ Կապան վիճակ հանքաբեր՝ կայ յարեւմտից Խարբերդու, հուպ յեփրատ եւ ի հարաւոյ Արածանւոյ. անուանի վասն արծաթաբեր եւ երկաթահատ բովուցն ի լերինս, որք ճգին եւ յայնկոյս գետոյն մեծի ի Փոքր Հայս, եւ ոստք են Անտիտաւրոս լերանց, որք յայսմ կողմանէ կուտակեալ կիրճն անձուկս թողուն անցից ճանապարհորդաց, վասն որոյ եւ Կապան կոչի սահմանն, որ է Պահակ: Քարուտ եւ անհարթ է երկիրն եւ բնակութիւնն անբարի՝ վասն տապոյ ամարանի, յորմէ եւ բազում ախտք ճարակին: Սակաւաշէն է վիճակն, եւ աւերակ բնակութեանց շատ ի նմա:

Քաղաքաւանն Քէպան-Մատէնի յափին Եփրատայ կայ ի հիւսիսոյ վտակի միոյ ի նոյն խառնելոյ, ի զառիթափ խոռոչս երկուց ապալերկ

լերանց, որոց եւնահմանք անբերք են, եւ եղանակք իմիստք ամարանի եւ ձմերանի: Բնակիչքն իբրեւ 500 տունք, Յոյնք, Հայք եւ Թուրքք, առհասարակ գործաւորք բովուց: Հայք 200 տունք են ի քաղաքիս, նուազեալք յամաց հետէ: Ունին եկեղեցիս երկու, զհոյակապն Սուրբ Աստուածածին ի վերայ վեցից սեանց ամբարձեալ եւ զՍ. Կարապետ, քառասիւն եւ փայտայրկ, շինեալ եւ նորոգեալ ձեռնտուութեամբ Արքիարեան տոհմի (առ սուլդան Սէլիմաւ) յամին 1831: Ի հիւսիսոյ քաղաքին ի գլուխ դժոխելանելի լերին, ի խոռոչս վիմաց կայ քարայր՝ յանուն Ս. Սարգսի, զի զնշան պայտից սրբոյ գօրավարին թուին տեսանել ուխտաւորք վիմատառեալ ի նմին: Յարեւելից քաղաքին ամբառնայ ուխտ Ս. Յովհաննու, մատուռն Յունաց ի բարձու լերին. նոյնպէս եւ հանդէպ քաղաքին կայ ուխտատեղի Ս. Եղիա, հնձնանաման տեղի անշաղախ քարամբք պարսպեալ վարկպարապի:

Ժամատ ի վերոյ ի հիւսիսոյ Կապանայ կան նաւանցք Եփրատայ տափարակ նաւուք, 150 քայլ է լայնութիւն գետոյն յայնմ տեղւոջ եւ ջուրն յորձեռանդն հոսէ: Առ տեղեաւն կայ Էօթէ-կէչէն (Անդր-անցիկ) գիւղ տաճկաց, եւ ճանապարհ նորին կոչի Դայըլք-պաշը (Նաւազլուխ): Յայնկոյս գետոյն յելս անցիցն ի փոքր Հայս կայր Դասկուրա քաղաք հին: Բովք Կապանայ ի հարաւոյ կուսէ քաղաքաւանին կան, եւ արծաթահանք կապարախառն, այլ ոչ քաջ ի գործ արկեալ սակս անբարեխառնութեան օդոց եւ պակասութեան փայտի:

22. Յարեւելից Կապանայ ցղաշտն ձգին լեռնահովիտք եւ բարձունք, յորս են գեօղք Քրդաց ցիր եւ ցան, այլ բարեբեր են վիճակքն: Ընդ հարաւակողմն ձգին Բիրան լերինք բարձունք. այլ անծանօթէ մեզ բովանդակ արմնկնաձեւ թերակղզին Եփրատայ, ըստ մասին Ելեգոսիթէ կոչեցեալ, յոր տարածանին ոստք Տարոս լերանց, որպէս եւ յայնմ կուսէ գետոյն, որ կարկաջածայն զեռայ ընդ քարայտակ հունն: Յելից լերանցն կայ Բիրան գեօղ առ վտակաւ փոքրու որ խառնի Եփրատ. գուցէ յանուն սորա կոչիցի Փէրի վիճակն:

Իսկ ըստ հիւսիսի Կապանայ ձգին այլ լերինք, յորս հպագոյնն ի Կապան բարձր է 4741': Ոչ սակաւք ի լերանցս պազալդաքար են:

Իբր երկժամաւ ի հիւսիսոյ Կապանայ՝ Արածանի որ է Մուրատ, այն ինքն է արեւելեանն Եփրատ՝ եկեալ յերկրէն Տարօնոյ ընդմիջելով զամինայն Զորբորդ Հայս յարեւելից ընդ մուտս՝ խառնի ի գլխաւոր բազուկն ի Ֆրագ: Իբր 2500' բարձրութեան են տեղւոյ խառնրդոցն: Հուալ ի խառնուսն կառուցեալ ասի ի հին աշխարհագրի մերում Լուսաբառին անուն քաղաք, որ եւ թուի մի ի գլխաւոր եւ ի բարգաւաճագոյն քաղաքացն Մոփաց, նշանաւոր անուամբն եւ զրիւք, հուալ յանցս Եփրատայ եւ ի բովս արծաթոյ, զորոյ մնացուած կամ զգիրս ցանկալի է հետախուզել: Յաշխարհացոյց տախտակս ոչ տեսանեմք

տեղի նշանաւոր գվայրօքն, բայց գեօղ մի ի հիւսիսոյ խառնրդոցն Բարուշէ (Parusche) անուն, եւ գեօղ ի հարաւոյ Մէշլէր կամ Միշիւլէր (Muschuler):

ԲԷՐԴԵՔ - ՍԱՂՄԱՆ

23-24. Բերդեք կամ Բերդակ մի է ի չորից վիճակաց Զար Սանճաքայ, յելից հիւսիսոյ կապանայ եւ ի հիւսիսոյ Խարբերդու, տարածեալ առ Մուրատաւ: Աւանն Բերդէք կայ հուպ ի գետն ի հիւսիսոյ նորա, եւ ունի բերդ լքեալ ի բարձու քարալերին:

Սաղման ի հիւսիսակողմն Արածանւոյ տարածանի. ի գիրս մեր կոչի Ցաղման կամ Ցաղմընայ երկիր, որ եւ «Ցաղման գաւառ յերկրին Խարբերդու» գրի ուրեմն, կալով ի հարաւոյ եւ արեւելից երկրին Չմշկածագու, ընդ որ իշեալ հեղեղք ի բարձանց լերանց անշրազետելոյ ընդ Բարձր եւ ընդ Ջորբորդ Հայս, անցեալ թափին յԱրածանի: Առ միով ի վտակացս կայ Ցաղման կամ Սաղման աւան, զորմէ չունիմք նոր տեղեկութիւն: ի վիճակին Ցաղմընայ յիշատակի Երկայնքնելուզեաց վանք յամին 1582, եւ եկեղեցիք նորա Տիրամայր Ս. Աստուածածին եւ Ս. Կարապետ եւ Ս. Յարութիւնս:

(Շար. 8)

Հ. ՂԵՒՈՆԴ ԱԼԻՇԱՆ